

光緒山西通志

列女錄十八

錄三之十八

山西通志第一百七十九

明廷士出身致品預結兵部侍郎兼知院右副都御史巡撫山西提督軍務張朝舉

節烈

貞烈晉至明

歷代

宗氏賈渾妻渾爲介休令劉元海將喬晞陷城死之宗氏有
姿色晞欲納之宗氏罵曰屠販奴售人之夫欲加無禮於爾
安乎何不促殺我因仰天大哭晞遂害之時年二十餘

右晉一人

桓氏叔孫俊妻俊以翊戴明元功遷衛將軍賜爵安成公年
二十八泰常元年卒明元親臨哀勸命其妻曰夫生旣同榮
級宜同穴能殉葬者可任意桓氏乃縊遂合葬焉

大同府

劉氏和敗妻跋性好炫耀道武狩狩山刑之劉氏自殺以從

右後魏二人

斛律氏鉅鹿郡公斛律光長女樂陵王百年妃也時災異疊見帝將以百年厭之使召百年知不免割帶玦留與妃別見帝擊死瘞之妃把玦哀號不食月餘亦死玦猶在手掌不可開時年十有四歲

太原

右北齊一人

柳氏裴倫妻河東人少有風訓大業末倫爲涇源令爲賊薛舉所陷倫遇害氏時年四十有二女及兒婦三人皆有美色柳氏謂曰我輩遭逢禍亂汝父已死我自念不能全汝義不受辱於賊將與汝等同死如何女等垂泣曰惟母所命柳氏

遂自投於井其女及婦相繼而下皆死井中

蕪州府

柳氏襄城王錫恪妃循州刺史柳旦女妃姿貌端麗年十餘以良家子合和見聘爲妃未幾恪被廢妃修婦道事之愈敬煬帝嗣位復徙邊帝令使者殺恪於道與妃訣妃曰若王死妾誓不獨生於是相對慟哭恪死棺歛訖妃謂使者曰妾誓與楊氏同穴若身死得不別埋君之惠也遂撫棺號慟自經而卒見者莫不流涕

州

右隋二人

盧氏李拯妻美姿能屬文拯字昌拜咸通末擢進士累遷考功郎中黃巢亂避地平陽僖宗召爲翰林學士帝出寶雞陷於嗣襄王煊煊敗拯死盧伏尸哭王行瑜兵逼之不從脅以刃斷一臂死

平陽府

樊會仁母敬氏蒲州河東人字象子笄而生會仁夫死事舅姑祥順家以其少欲嫁之潛約婚於里人至期詭稱母病使歸視敬至知見紿私謂會仁曰吾孀處不死者以母老兒幼今將奪吾志汝云何會仁泣敬曰兒毋啼伺隙遁去家迫及以死自守乃罷會仁未冠卒時敬母又終既葬謂所親曰母死子亡何生爲不食數日死聞者憐之

蒲州府

右唐二人

孟氏王稟妻稟府州人娶岢嵐孟氏稟後爲太原總管金粘沒喝陷太原稟力戰知不可爲負太祖像死汾水中孟曰妻以夫爲天夫死我甯有生理亦投水死

太原府

李氏翰林學士吳育之弟婦駙馬都尉李遵勛妹寡不更嫁御史唐詢因怨育遂奏育不使嫁欲用此誣李氏自盡

蔚安府下

同

宇文氏武時妻字文光女早寡靖康末金兵陷黎城大肆劫掠氏曰我儒家女名門婦豈可受辱卽墜井死父光亦以是日死難

劉氏任玆妻年十八夫亡姑欲奪其志自刎幾死居十餘年弟利富人金逼令改適氏度不免乃自經

州折

右宋四人

馮妙貞刑部尚書延登之女年十有八適進士張愷愷爲洛川主簿元兵被葭州遂入鄜延鄙人驚恐具守備守臣以西路輸芻粟不時檄愷往平涼督之時延登爲平涼行省員外郎愷欲借妙貞以往辭曰舅姑老矣雖有叔奴妾能安乎君行妾留奉養十一月洛川陷妙貞扶舅姑匿曹氏窟室兵索

得之妙貞泣與舅姑訣曰婦生不辰不得終執箕帚義不從辱卽攜三子赴井死縣從而死者數十人明年春槨發井得尸殯於縣之東郭外死時年四十四

平陽府

孟氏楊貞妻貞爲隰吉經略元兵圍急氏自經女適伍禮厚亦墜崖死

隰州

右金三人

申氏冀甯李宏益妻至正二十年賊陷冀甯申語其夫曰君當速去勿以我相累若賊入吾室必以妾故害及君矣言訖投井死宏益旣免其難再娶安氏居二歲而宏益卒安時年三十泣謂諸親曰女子一適人終身不改不幸夫死離生亦何益乃竊入寢室膏沐薰裳自縊於柩前

陽曲

武烈女名管嬰太原八年十七未嫁至正間避兵山洞其父

被執女奔至父所請以身代服乃釋其父父逃去女賣井邊有瘞金衆爭掘金女卽投井死後人名其井曰烈女井太

王氏甘肅參政武旗妻旗太谷人值變寇掠其家執氏氏罵曰吾夫弱冠成名聲重士林吾甯死不爲賊奴辱賊迫以刃罵益厲賊怒刃斫之碎首而死太

劉氏刁茂光妻嫁五十日夫卒哀毀過情自縊人救之泣曰婦人從一而終何救爲竟不食而死席汾下同

趙烈女年二十未嫁寇亂被驅迫以行度不能免紿賊曰吾取所藏金以遺汝賊信之遂還投於廁而死

郭烈女綵雲許聘程代兒代兒隨父宦遊姑關氏空房娶之至正十八年掃地王兵過姑攜二幼避土洞兵至大索同避者咸出綵雲獨挽姑衣曰妾夫未面倘一失節他日何顏見

耶堅不出被火死

楊貞女幼字同縣衛貞既受聘貞以商卒於外訃聞女哭之

慟曰妾通名於衛卽衛婦也誓守終身至正八年旌表

山澤

宋堅童妻班氏李安童妻胡氏早孀痛絕卒以死從夫事聞

悉命褒美

大同下同

華氏張思孝妻善吟詠爲新高兵所執以不受辱見殺其婦
劉氏乃僮壓姑尸大罵不已兵併殺之後家人斂其尸姑婦
之手猶相持不釋劉有延栢詩云羣卉枯落時挺節成孤秀
旣保歲寒心不在遐與壽蓋自況也

田氏渾源知州劉仲亨妻至正中仲亨卒於富子彬甫七歲

氏年二十有五悲慟投緘死事聞詔旌

渾源州

康氏太常太祝耿承祖妻承祖仕燕京時山東盜起剽掠平

定氏聖幼子榮川避於孟陽北榆村石洞中賊勢迫氏謂義
女果曰汝主父歷館閣吾義不受辱汝爲抱幼子榮川去氏
遂赴井死果逃見承祖具告母死之故承祖曰得死所矣郡
守孫亨嘉其貞烈以聞至正開旌表陳好謙作烈婦傳平定州下

齊氏康訪副使王履謙妻治家嚴肅克守婦道至正十八年
賊陷太原氏舉二婦蕭氏呂氏及女鳳避難趙莊石巖寇圍
急度不免願謂女曰汝家五世同居號爲清白汝父職任風
紀我命婦也汝少女也奚可辱身苟活女曰吾夫已死今爲
未亡人得死爲幸乃同縊不殊遂俱投崖死次婦呂氏謂蕭
曰吾左丞之孫義不受辱亦赴崖死蕭曰吾獨不得爲節婦
乎卽偕死河東杜凱作四烈傳奏請旌表

吳氏進士孫某妻夫卒無子所親欲奪其志吳堅拒不從後

遇亂投崖死詳見楊貞詩

陸平

趙氏名哇兒年二十夫蕭某病劇謂哇兒曰我死汝年少若

之何氏曰君幸自寬脫不諱妾不獨生也遂命匠製巨棺夫

大府下同

沒卽自縊死同棺斂葬

趙靡兒妻安氏陳恭妻張氏武壽妻劉氏宋敬先妻謝氏撤

里妻蕭氏並少寡不忍獨生以死殉夫者事聞悉命褒美或

賜錢贈謚

右元二十五人

趙氏字慧賢太原右衛人適郡文學蘭景昌景昌疾湯藥必

親嘗所以身代及疾不起遂自縊於其側時年甫十八殯日

二柩並衝而行見者爲出涕成化初旌表

陽曲下同

臧氏張鐵妻年二十三夫亡矢殉家人慰勉之弗聽乘間自縊死

鄭氏字淑英頗讀書幼時聞其父鑑談節義事輒曰是在人自盡耳長適太原前衛百戶陳義義成於邊卒喪歸敗浴而斂之痛絕復甦者數四勺水不入口曰吾前已約吾夫矣死則同歸不忍背也遂自縊於室

王氏郭憲妻嘉靖間北兵入犯氏被掠不屈遂遇害繼娶牛氏憲亡矢死散遺賫於親族不食十有四日而絕

李氏太原舉人中馥女適諸生傅襄襄遺疾氏廢寢食期以死從襄卒家人防甚力氏陰懷杏仁吞之卽日死知縣范士楫表其烈

張氏蒲縣令朱新甄妻逆圖陷城氏被執給賊同婢取贖財

乘間投井死

于氏舉人朱萬壽妻國陷太原偕羣婦走匿夾牆氏失後眾以爲必獲於賊矣及賊退得尸井中兩脇胷有刀痕寸許裹衣繩縛數匝見者嘆爲貞烈婦

黃氏靜海知縣崔嗣遠妻賊攻城亟率于婦于氏及女並孫女全姐侍女春玉同投井死

萬氏李廷佐妻早孀已歷二十餘年城破知不免攜甥女西姐死於南杜村井

任氏昭信校尉李時春妻孀居四十餘年年八十一闖賊入城盡驅百姓曰清街氏於紅四牌樓謁賊觸石死

朱氏舉人李桂芳妻城陷投井死幼女侍婢皆從之同時諸生聶輝妻李氏投井水淺不得死賊欲出之以頭濡水死

程氏武瓚妻閩破城自縊死其姪女投井死

康氏諸生泰謙妻聞城陷語謙曰脫被辱何顏兒君與宗室
朱慎錄妻郝氏賈士侯三接妻高氏生員萬福德妻周氏並
於城陷時投井死

孔氏諸生陳兒妻媼居二十年冰操嶙然甲申國賊破太原
掠其家氏罵不絕口遂遇害媼朱氏孫性福孫女長姐俱赴
井死

范氏生員斐潤妻夫故子希度方五齡課之後登進士授堂
邑令每出聽政則誨以省刑卹民潔已報國秩滿封太孺人
以母節閩有旨建坊未卽行閩逼太原氏抱幼孫避北城別
墅城陷囓幼孫於老僕投井死之

柴氏郝堯宰妻夫死守志值閩寇逼城氏匿地窖中營家楊

姓者引賊入氏恐被汙以鐵器自擊其額流血蔽體昏絕於地賊舍之不食三日死

陳氏王紘妻紘沒子甫五歲姑樊氏哭紘幾不欲生氏忍痛解慰曰婦誓奉姑終身以撫此子也姑得不死家無餘貲棄繻織以爲事青鬻歷十五年子遊庠姑尋沒氏曰吾事已畢可以下報先人矣值闖賊破城不食死

梁氏李文傑妻嘉靖間遇兵於羅城脅以刃氏曰殺卽殺耳不汝從也兵怒斬其首血濺尺餘尸行數步而仆又李永圖妻姜氏同時被執亦以不屈死

太原下同

趙氏趙維新女適陽曲羅繼武子羅無賴初娶婦時曾貸惡徒某金約與私既娶入門某先匿氏寢氏知痛詆姑強之拒益堅乃誣以他詞訴於官稍繩以法氏報顏不自白退而某

逼如故氏斷髮垢面甘蹈白刃死知縣金嘉其烈躬表焉勢
某置於法

王氏縣吏段廷相妻廷相疾革願謂氏曰汝年少將若何氏
曰志在從君無他道也及遭喪恸哭不食既葬匍匐投井姑
救之益人以守氏紿守者出潛縊死於機杼檢次下同

李氏仲顯妻固安教諭拙齋女也嘗年從父受讀大學論語
女訓諸書頗知大指歸仲勤儉整潔婦道允脩事舅姑尤篤
孝顯業商氏時爲經紀嘉靖辛丑八月邊報急借家人避地
王碧寨旣而寇至攻寨弗克明日復大至攻踰夕遂破掠婦
女百餘北行及李李大罵曰安敢犯我遂從寨後投崖死見
光祿周鈇集

李氏諸生寇一龍妻順天府尹李敏女龍以事母憂勞成疾

卒氏年十五日夕號泣一志從夫飲毒而死巡按洪葵請旌表

安氏郭思德妻辛丑之變思德挈家走避甫出城遇寇爲所
害氏並二女被執行至風雲雷雨壇西母女乘間赴井死兵
退縣人收瘞之仍勒石於死所題曰一門三烈

馬氏諸生李春泰繼母也聞變義不愛污罵賊投井死春泰
姊李氏適王一元被執不屈受烙死

侯氏太谷人諸生張紳妻也甲申之變攜紳姊及妾王氏避
兵母家潛匿地窖中賊黨掘甚烈氏知不免先投井死姊與
妾從之其母李氏弟婦任氏暨婢媼輩死者十有三人事見
競烈篇

國朝順治間建坊旌表

郝貞女許聘鄭銓未婚而銓卒女聞之泣謂父能曰業已許之矣不幸有此甯忍別適耶易服臨喪留事舅姑終身宏治九年旌表

常氏姬公輔妻正德六年流寇入境被執氏曰我良家子義不受辱賊遂殺之時年二十二歲巡按杜昌請旌太谷下同

員氏李元芳妻圖寇之被執罵不絕口與元芳同時遇害

孔氏諸生張孔教母孀居三十年遇變不屈罵賊死

李氏侯化龍妻甲申五月聞賊兵敗西走入邨野劫掠氏率其子婦任氏姪婦王氏趙氏已嫁女二室女三洎諸婢妾十數人俱投井死士人競爲詩歌弔之

趙乘龍妻杜氏生員吳桂妻杜氏生員趙奇俊母馬氏聞寇陷城被執不屈晉罵賊而死

趙烈女太谷民守貴次女也年十六寇亂被獲犯之不從脅以刃不屈遂遇害巡按杜昌請旌

武氏諸生孔俊妻性淑慧每夜績佐夫讀喜詢古節義事正德辛未流賊入祁俊遇害逼氏罵曰吾儒家婦豈若等匹

耶迎刃而死

祁縣下同

田氏楊子秀妻蚤孀守志賊入見其美欲犯之氏曰我正祈速死從夫地下豈爲若等污耶斫傷其右臂擊衣走澗井死高氏趙文茂妻避賊走空室中被執謂之曰從我常享安樂氏曰我無庸生奚庸安樂賊以刃批其面并刺其腹死

郝氏王原妻早寡聞賊至衆皆走避郝獨不去及執厲聲曰我婦婦也不二心久矣賊見其不可屈揮刃碎其身而去

范氏張才玘妻聞變走伏坊民段能圍舍賊突入范奮起捉

衣縗裾大罵之賊斫其頸殞地死

郭氏溫廷美妻賊至匿城下穴中賊搜得曳出迫之行氏知不免至城東深水坑奮身躍入死

閻氏段奎妻臥病不能起賊至奮聲大罵賊怒引弓揮刃閻引頸迎之曰能速殺我我志遂矣賊竟殺之裂其尸

郝氏都事王應壁妻陸慶元年被賊掠迫之行乘間投井死
孟氏楊士隆妻甲申流寇掠其家氏有姿容以甘言誘之不從脅以刃亦不屈夫與子俱被害氏罵曰死賊速殺我賊怒支解之

范貞婦續文博妻范儒女也早歲訂婚未合番文博轉徙於外二十年不返父母將改字女不從年四十文博還始偕伉儷

戴烈女秋姐祁縣戴宛之女幼端謹有令德隆慶元年女年甫十八隨母避賊行至秦村堡北賊突至先殺其母以刃脅從女詈罵不屈怕然就戮賊怒裂其尸

袁烈女銀旦袁永福之女年十六未字父母之田間女獨居范遇典窺而逼之女詈叱不從遇典懼奔母歸訴其故旋卽自縊

張氏韓定妻定沒具棺衾營窆歲旋爲子娶婦訖從容就縊

事聞旌表

請源下同

馬氏諸生成舉謨妻年二十夫亡矢殉乘間就縊家人救之避徐曰我志已決若等徒苦我也越月復飲毒死

王氏諸生劉祚隆妻值流賊逼城肆掠聞警偕婢投井死巡按題請旌表

曹氏聶三妻天啟初山賊曠掠氏年二十三被執欲污之紿以他辭得聞自經參政王作誅刻石於演武場

交城下同

安氏惠貞壯妻流寇之亂夫被殺氏年十九生女甫三月翁姑將避地以攜少婦有難色欲使更適氏聞啼哭終日至夜臥女於牀潛出縊死于龍王廟

徐氏諸生張大紀妻嘉靖間北部入境與妾武氏被掠迫以行大紀墜崖死徐氏縊之武氏擲幼兒崖下亦從死

尚嵐下同

葛氏康宏業妻年十六適宏業越三年宏業病不起頻目葛葛曰得毋疑我有他志耶泣而斷髮宏業卒不食者三日比葬投縊死

潘氏賈東周妻東周死於寇氏終日哀泣慰諭莫解卒以悲死

王氏諸生陸登驥妻登驥患足癱醫藥罔效氏爲吮之卒不起亦以身殉

呂氏郭漸妻年十六適漸越歲而寡哭不輟聲卒以毀死

白氏劉紹志妻年十五歸紹志越三年紹志卒慟哭時覓死家人防衛至周氏乃作解顏伺者漸弛密置斂衣於樓土因假他事登樓卽自縊比覺已絕矣年十七歲知縣王完爲之

立傳

典縣下同

郭氏王璠妻璠卒縊於戶傍巡按李立貞婦坊以旌之

賀氏王鶴妻年十九嘗卒自縊以殉巡按桂旌其門

陳氏吳良能妻年二十三夫亡誓殉潛縊於柩側巡按桂旌之

孫氏康所里妻諸生孫世祥女爲賊所掠逼污不從大罵求

死賊不加刃挾以俱去至黃河投水死

樊氏諸生劉文妻流寇肆掠被執義不受辱墜崖死

康貞婦舉人康體元女少字諸生劉玘子士麒將婚而士麒
癩久益甚玘與體元議解盟氏聞矢死體元喜曰苟能如是
吾成汝志年十九歸劉善事舅姑訓獲士麒衣食備至歷四
十年士麒死氏依然處女也士麒弟士麟先士麒卒亦無子
氏撫從子承曾以繼翁祀邑令商基鏞旌其門

王烈女武助聘妻年十七未婚寇亂被獲屬罵不從賊怒砍

之裂其尸

以上太原府

朱氏諸生韓正心妻年十九夫故絕食而死

原

賀氏張黑子妻年三十清白食貧流寇至四野剽掠氏恐不

免闔戶白經

襄陵下同

梁氏劉廷贊妻僑寓揚州之西城陷攜二子登樓舉火自焚
鄭氏河間知府韓居親繼妻道闖陷都城居親借氏攜兩幼
子出避過定興匿稠桑中賊奄至氏求絕居親楚額不忍氏
曰我不死汝父子必不免矣且於此不死恐後無死所也遂
就縊桑下居親爲藁葬而去時年二十二尙書白允謙有詩

輓之

洪洞下同

吉氏守備李仲妻崇禎甲申逆闖犯太原氏勸佈力戰且助
以殉難及城陷氏脫釵自刺其頸不死尋抱幼女投井中寇
去收其尸面如生

范氏趙國士妻年十九夫卒矢守流寇肆掠氏恐辱身土下
裳服重複縫紉抱幼孫投井死

張氏郭九仞妻崇禎間賊至被獲欲犯之氏誘以善言防衛

稍懈投深崖死奉旌

浮山下同

葛氏齊國才妻崇禎間流賊紫金梁破攻南王洞氏被執與宗人鳴皋妻張氏相繼死詔並旌

張氏齊鳴皋妻爲賊所掠迫之俱去時氏方在制服縞素紵曰我旣行宜易吉衣以從賊意弛乘間投道旁井中死

張氏廩生許鳳妻敏慧淑慎未有子鳳遭疾不起疑氏無固志諷之曰吾產頗饒且笥中藏金尙足支十年子將若何氏曰君脫不諱妾身且不有奚有於此後鳳死之七日味爽東妝易服哭詣柩遂自縊

李氏盧國器妻年二十五而寡姑勸改適不從俟姑出縊柩

側事開建坊旌表

太平下同

劉氏段益庫妻年十九適段段有宿疾氏謹事之踰年遂逝

號泣矢殉自縊死

王氏太學生衛廷對妻柳州守椿之女也從夫避寇揚州夫故與妾吳氏矢殉胥不食而死都御史龍文尤爲之傳

王氏柴奉簡妻夫亡欲自縊隣婦慰之且曰汝欲見夫地下乎聞其中不百日不能見也氏領之泪夫葬適符百日之期竟投縊死縣令李喬崑立石表曰眞烈婦

隋氏張子穎妻崇禎十三年流賊入境氏棄子投井死時年二十

衛烈女好艾性貞烈年十三惡少戲之誓罵投井死尸出怒目不暇睛裂出血巡按旌之勒碑其冢

賀氏黨應亨妻年二十五而寡事衰翁撫幼子堅守志節寇

變遇害

岳陽下同

王氏孟鳴陽之母也年二十一孀居守節崇禎五年寇變被掠大罵不屈死

王氏范志利妻遇變爲賊所執恐被污抱子投崖死

周氏范志大妻賊至投崖未死復自縊於樹

范烈女名蘭香范星鼎姊年十四有姿色寇亂度不免遂自

縊

張氏李洪妻早寡遺孤金甫七月矢守母欲奪其志遂絕粒

死事聞旌表孫紹先撰碑記

曲沃下同

張氏賈懷禮妻夫亡自經柩側獲旌

上官氏許有倉妻有倉沒哀慟不食縊死柩前奉旌

劉氏諸生趙時禎妻年二十一時禎病語氏曰我死汝安之

氏曰願從地下耳禎死三日乘間自縊

陳氏鄭啟廉妻年十八夫亡吞鉞求死不得復自縊

楊氏梁宗孟妻宗孟卒時翁姑已先逝有導氏他適者氏不答一日禮翁姑神主走拜夫墓歸而求水操身鑿戶自縊死事聞建坊旌表顏曰從容就義

李氏梁景秀妻景秀病篤囑其別適氏泣曰婦人無二天君行妾請從秀卒縊死柩前

王氏李合香妻合香積病十餘年典簪珥求醫藥百計罔效及合香卒家計悉付夫從子自製縞衣一襲云留以備用家人莫解越日設奠夫靈潛自縊

劉氏王克榮妻克榮父大儒早卒母史氏以節著氏夙嫻姑教克榮病醫曰得鹿血則療人血尤良氏剗臂取血和藥食之罔效乃斷棺二克榮卒卽自縊以殉人稱一門節烈

成氏梁有成妻夫亡卽自縊時年二十七

王氏周承通之母也崇禎辛未流賊入境氏匿白水村山洞中洞破被執行小徑間拉賊同墜千尺崖死

衛氏馮臚吳中妻甲申寇至氏匿樓上羣賊縛臚大肆凌虐氏聞厲聲罵賊墜樓死賊衆咋舌後以烈旌

秦氏李柵妻柵被賊執氏疾投崖下絕而復甦眇目跛足終身殘廢

郝氏韓登科妻城破罵賊死

常烈女字俊俊常銘女正德六年爲流寇所執不受辱投井死

鞏烈女母夢梅而生遂名賽梅年十六受聘未嫁父母於困
賽梅獨處有強暴踰垣逼之賽梅持刀拒得免父母歸訴其

事誓死父母止之賽梅曰不知誰知吾志者竟自縊

賈貞女吉銳聘妻銳賈於外迎女歸未合卺而銳卒鄰母輒使再適女志不撓撫從子爲嗣年踰八十終

衛貞女幼字李三三客外久舅姑以女年及笄先迎入室俟子歸成禮無何三客死姑令別嫁女曰父母命妾奉箕帚於李氏夫死天也違天不祥卒不從有司題請旌表

楊氏李柱妻柱父乾蚤逝母常氏年十六苦節撫柱成立柱既娶復不祿楊年二十欲自刎救之斷一指哀毀絕食姑憐相繼亡詔並旌

異域下同

蘇氏張翰翼妻翰翼卒誓不欲生遂自縊獲旌

陳氏劉群宏妻年二十而孀守貞撫孤寇亂被掠投河死

李氏盧春魁妻夫亡三日不食縊死柩前

呂氏舉人賈學路妻年二十七而寡撫孤三年孤死遂自縊
張氏鄭邦瑜妻年十七結縵甫兩月邦瑜卒絕粒求死或勸
之氏曰死易守難吾爲易者投縵喪次時有白蛇纏尸之異
事聞旌表

楊氏監生常鴻洙繼妻嫁未三年夫亡無子女矢守不二崇
禎五年寇迫氏罵不絕聲賊腰斬之旁有憐其節者瘞之

張氏諸生賀新元妻歸新元生女一適曹宏續年十八值流
寇之變母女避地明峪寨寇四而環攻甚急女呼母禾訣投
崖死母亦觸石死移時寨破賊斷其尸

吉州

師氏諸生高榮妻年二十榮卒誓不再適歸甯母家夫弟欲
奪其志往迎之氏覺行至中途抱石沈潭死

鼎甯下同

崔氏進士王培齡妻駙馬都尉代州崔元女也培齡卒伏冢

而哭三日不輟聲死於墓

成烈女成大化之女年十六未字人避亂山寨寨破被執女

婉言給賊賊甫釋手卽投崖死里人競傳其貞烈

以上平陽府

朱氏裴禹卿妻輔國將軍朱聰琮女也嫁甫期地震城崩禹

卿死氏以首觸樁嘔血死年二十一詔旌貞節縣君

永濟下同

邵氏孟端妻早寡姑與母家欲奪其志氏抱幼女亥隕於井

入歲女熙墜從之既出戶母猶抱亥熙抱母閭巷悲感後十

年知州屈拱北始以事聞詔建祠樹坊遷墓太僕王謙爲之

傳

王氏諸生楊元禔妻元禔卒誓不欲生滴水不入口繼以號

泣七日而死

馮氏郭滋妻聰慧賢雅年十四適滋甫一年滋卒氏臨牀哀

勸解地求死姑撫諭曰汝幸有娠得男以存祀猶念於死氏
領之迷夫葬越八日生一女氏泣曰而今復何待耶卽絕粒
旬日死事聞詔旌

雷氏諸生田民峰妻崇禎壬午冬叛將任國奇兵過蒲所至
劫掠氏被擄投井死

田氏舉人虛世臣妻聞任兵至知必不免與母雷氏結衣投
井死

楊氏諸生喬振翰妻張氏喬及芳妻癸未闖變城陷同赴井
死

楊氏義民王應龍妻薛氏其妾也闖賊至蒲龍設靈具自題
其主曰皇明小民王應龍之靈與楊及薛痛飲共投縊死偽
官義之親爲殮斂

王氏薛永隨妻少寡聞賊陷城被執不屈死

薛氏知府韓於宣妻聞逆之變執仕宦索餉於宣自縊氏數日不食聞賊軍擊門亦自縊

張氏裴渤妻夫亡遺一女矢守義姑姑甚德之會母欲奪其志氏抱姑及女一慟而絕

牛貞女牛仲明女劉愷未婚妻愷客外先娶衛衛卒遺一子愷父母爲聘女預迎以歸無何愷死中途輓及遺孤抵里女撫孤若已出事翁姑至孝服禫父母勸之嫁曰汝未配非改節也女曰身旣歸劉卽劉婦矣親老子幼尙奚適耶父母陰納施氏聘女泣愷神主前五日不食死孤成立名釗子名忠甫忠甫子東旭三世皆廬墓時稱爲三烈孝

宋氏董良德妻年十四適良德家貧不繼朝夕閱十年良德

卒氏遂自縊隆慶間旌表

臨晉下同

胡氏廩生姚在陞妻甲申逆闖將及胡顧子翼宸妻李氏曰賊熾甚儻不免實墜家聲不如死遂以襁褓子囑乳婦趨赴井姑先下媳繼之至今名其井曰雙烈井

王氏侍郎李棲鳳子世昭妻也闖賊入境氏偕民婦避難栽峭原土穴賊搜獲羣驅而出氏據地不起賊戍之行十餘步見深崖歎曰吾得死所矣躍身投下騰裂骨折而死

張氏邵明紀妻年二十夫亡矢殉台葬夫作壙氏囑曰壙宜寬爲我終身地壙成氏閉戶沐浴理妝整容如歸甯狀旋入室投環以死次日二柩同舉觀者流涕邵嗣堯輓以詩

虞錄

朱氏卞和玉妻和玉與楊生忤楊生動詬其父母和玉忿刺之死隨自經時氏年十九歎曰夫死孝妾獨不能死節乎亦

卽自縊

衛氏下同

陸氏諸生陸振奇女適安邑廉名揚甲申亂陸偕母劉避
難堡中賊至被執甘言誘從不可遂脅之置馬上以行陸投
地罵曰死卽死矣決不以良家婦從賊污也遂伏刃

李軌妻暢氏軌任南康府照磨正德中流寇陷城守臣以下

皆遁軌獨偕子死難氏亦死焉

萬泉

孫氏郭建極妻年十七鬪亂匿崖下穴中賊搜得之見氏有
姿色引其手氏奮力脫臂投崖死

榮河蒲州府

王氏千戶張英妻英從征荆襄戰死朝命護喪歸諭祭葬王
迎板觸殯復甦既葬哭於墓道淚盡繼以血哀毀而死

長治下同

王氏諸生張子明妻年二十一夫暴卒王痛哭縊死柩前

雄山四烈者正德辛未盜起齊魯鼓行而西潞府西火鎮遇

禍尤酷婦女多被劫掠其罵賊而被殺者焦相妻程氏也被
驅遇井白謂得死所抱幼女投死者王川妻平氏也同時袁
佩女鴈菊趙公賢女閔兒俱以罵賊被殺而聞兒至剔目斷
惜死最慘云事聞詔旌爲四貞建祠雄山命春秋致祭士大
夫多爲詩弔之有貞烈唱和集劉文安公龍序之

程氏諸生圖誠妻誠應省試與疾歸自度不起謂氏曰爲我
善事父母死且無憾氏泣曰舅姑有兄嫂在君脫不幸妾願
從地下誠卒遂自縊

原氏焦鈞妻姬氏鄭林繼妻夫亡俱自縊以殉

劉氏程天佑妻天佑病傾簪珥市醫藥比卒哀痛絕飲食九
日不死潛自縊

程氏三烈程宗道女舉人程子藩之姊也一適同縣賈名卿

一適壺關張斗照一適同縣周基邠崇禎五年流賊肆掠宗
道率三女避土洞賊至圍洞縱火匿者竄出賊牽張婦置馬
上搶地大罵賊怒殺之賈婦投道側澗固死周婦墜崖不死
復於野自經

袁氏程萬里妻萬里被賊殺袁抱幼子暨二女趨赴井長女
徘徊氏推入之旋卽抱子自沈死

賈氏朱綱妻被賊掠大罵不屈賊縱火氏投烈燄死

秦氏趙惟微妻暨子學會妻璩氏遇變賊迫秦不屈截十指
俱斷投火死璩投窖中賊擊以石死

張門三烈者庠生張于京之母袁氏暨于京妻李氏從子于
正妻李氏也袁氏孀居遭壬申之亂攜二婦避趙家莊土洞
賊搜獲袁罵賊立被殺璩于京婦於馬項不從馳馬曳死于

正婦被驅止逆族大罵投火死司李袁嘉其姑婦貞烈給銀收塋

郭氏省祭宋體道妻崇禎壬午寇至爲所掠延頸受刃至死猶罵賊不絕

侯氏諸生杜良材妻叛將任國奇破蘇店執氏索金帛氏拍賊曰可隨我至垓金處行至井遂墜入死

王氏諸生靳愈光妻遇亂攜一女二子避杜氏樓間夫遇害泣曰無主矣忍爲賊擄乎時女已及笄先叱入井身卽從之二幼子亦號泣隨母俱下比出口母女猶相抱云

韓氏劉守倉妻賊執守倉將殺之氏奔救伏守倉身哀之曰甯殺我毋殺夫賊並殺之

趙氏藩裕王側妃也甲申闖將入宮投井死

焦貞女東阿王儻焦鈺女字李曉將娶而曉卒女欲隔其喪
父母不許繼於室遇救不死母因偕往弔姑牛氏老且盲女
願留養曲盡孝敬姑嘗曰卽兒在承歡當不加於婦也姑目
復明人爲孝感所致事聞旌表壽八十九終

李貞女諸生日達女字雲和中尉理閩未婚而夫卒女年十
七臨喪哀甚持服三年畢僻處一室屏絕鉛華舅姑給衣食
擇菲薄者受之事聞建坊旌表年五十八卒

侯氏字君正原瑞妻瑞卒長號頓地眦裂出血明日忽聲咽
不出家人走視偃立頰頸死血淚漬棺不滅

畏子下同

劉氏生員任肯堂妻崇禎間被寇掠大罵不屈賊斷其左股
罵愈厲更碎其首死而復甦時方娠越三月生男相後以孝

聞

王氏阮夢鳳妻年十八而寡撫子守節二十餘年值甲申之變投井死

楊烈女字穿羅諸生學程女年十四未字崇禎七年爲流寇所執誘以珠帛不顧迫以刀鋸不懼至刺腹斷背女猶罵不輟賊怒碎其尸父學程見女死觸階罵賊亦遇害

張氏王廷秀妻年十七適王越二年夫遺疾死自縊以殉同下

申氏諸生朱師濂妻師濂卒三日勺水不入口家人勸之氏曰未亡人爲將亡人矣莫喻其言斂畢引刀自刎死

段氏諸生劉禧妻年二十禧卒從容斂夫畢至夜自經兩柩在庭柩下忽產芝二莖鄉黨傳以爲異

趙氏王應春妻年十六適應春應春以貧困自縊死氏年二

十三哀痛矢殉引刀自刎姑張氏哭之曰而翁早逝我嘗懷

此志以而夫幼未果今若是吾無憾矣當道旌之

襄垣下同

郝氏郡自省妻族無賴某遇汚不從自刎死事聞建坊旌表
侯氏申承文妻崇禎六年被寇執不屈死

張氏諸生邢宗齊妻流寇至一門被執張給賊曰釋翁與夫
我當汝從賊果釋之度去已遠卽奮罵曰我士人婦豈從賊
耶抱幼子投深溝死

劉氏諸生季芬妻芬貧依從祖居病篤無子二女並幼氏悲

憤誓以死從芬卒斂畢遂自縊

黎城下同

王氏諸生韓魏妻年十八魏卒號痛絕粒死

崔氏李嘉妻崇禎甲戌流賊肆掠被執蓬首垢面罵罵不屈
賊強披以綺繡乘馬上臨絕險而墮賊怒碎挫之

王氏失其夫姓縣民進業女也年二十夫亡潛出赴河死
王氏李佩玉妻年十七夫亡值母病垂危氏詣婢曰老母事
完當求我所母沒遂不食死

李氏王俊士妻貢生李宰女俊士性跡踰見疾於繼母父憂
之母嘆不釋復送之官繫獄逼氏改適氏泣踊不從多方營
救卒不獲解氏曰夫無生妾奚忍獨生遂先夫投繯死時年
十六

呂氏諸生楊昱妻昱卒自縊以殉嘉靖十二年詔旌並闕下同
王氏諸生張朱妻歸朱二年而寡矢節二十餘年崇禎壬申
身罹賊鋒怒罵不屈死

程氏張斗熙妻王申之亂偕姊適賈者妹適周者避難於縣
南高家陀賊鋒四警姊妹知不免張掘衣覆面墮巖下身首

俱碎買投崩岡投縲胥死難焉

生員張隆母王氏妻張氏崇禎五年流寇破城被擄不屈同

遇害

平順以
上潞安府

賀氏鎮國中尉朱知燧妻中尉疾賁欲先死以殉取縲一勾

咽之左右救奪賀曰頰毒入臍無可救理即可救我必死遂

絕飲食竟與知燧同時卒慶成王表樂爲奏聞禮官按典無

旌命婦例世宗特旨旌之諡曰貞烈

汾陽
下同

侯氏王蜀妻年二十一蜀卒慟哭吞毒死奏請旌表

賈氏鎮國將軍朱敏衆妻年二十五將軍沒矢志從死哀感

止之朝夕號痛不百日哀毀死

王氏諸生賈庠妻庠卒自刎幾絕晝夜號泣而死

盧氏朱新堞妻新堞晉恭王七世孫家汾州崇禎十四年由

宗貢生任中部知縣會賊入關傳檄至新堞方巡城怒而碎
之譏拒守誓必死氏偕妾薛氏馮氏請先自盡許之有女方
數歲亦縊死左右皆泣下

武氏慶成王睿嬖妃也生時室有異光長而端淑甫笄歸睿
懿慮理內政居豐守約宮闈肅然崇禎癸未冬逆閹渡河次
于蒲州如聞之不事櫛沐官媼問故妃曰天之所壞人不能
支我待死而已既而賊至將入府妃跟踉投井死闖大索宮
中兩日不得十閱月始出其尸而猶如生

劉氏李茂才妻避賊崖窟賊索之急茂才見殺氏枕尸大慟
賊擁上馬投地奮罵脅諸婦羅勸罵益甚賊怒碎其尸

郭氏李得海妻隆慶元年寇犯境氏攜女出亡被執氏厲聲
曰甯碎身而死不辱身而生遂遇害女聞道歸具道其詳朝

導程文表其墓

平遙下同

李氏王廷明妻隆慶之變夫婦攜幼女將如城避兵離城里許寇突至欲掠之去氏抱女堅不釋賊殺女及廷明氏枕尸痛哭奮鬪不屈賊並殺之

羅氏毛世武妻世武出亡里巾兒以囊語營之氏厲聲大罵竟爲所殺直指康以貞烈表其門

羅氏郭朝臣妻年二十三育一女夫病篤與氏訣氏泣曰妾之義有死無二及病大漸氏曰不可爲矣遂自縊翌日朝臣

亦死

介休下同

王氏郭宗妻宗營他往方薄暮有惡少潛入來逼氏厲聲呼鄰里乃逸去夫還語以故誓必死曰我身雖未辱誰與白者竟自縊巡按劉移檄撰碣表墓

梁氏王天福妻天福病墮氏焚香祝天願與偕死及天福沒付家事于兒婦亦苦杏仁死

閻氏諸生張翼儒妻甲申之變恐被辱自縊死

霍氏監生田賦妻賦有孝行以憂母病卒霜慟日吾夫死而吾獨存耶縊喪次家人救免賊伺之賦既葬仍乘間自經賦弟貢先賦沒妻吳氏亦以節稱

孝義下同

張氏楊大仁妻美姿容大仁多從匪類遊有曹姓者嘗至大仁室曹見氏久蓄異志會氏歸甯乃要于廣仁寺後之壞垣給口而夫在此欲有語也未入垣卽戲牽氏衣氏力拒極口詈罵曹忿甚格殺之

傅氏辛門妻教諭相之孫女夫被亂兵殺氏投崖以殉

孫氏任克己妻兵掠其家氏扶姑伏草中兵殺姑脅之氏罵

不絕聲兵以刀斷其髮意不少怯乃刃之洞腹而死

程氏任自脩妻流寇橫發掠氏室氏不屈觸壁死

武烈女庠生有昇女字柏氏子未嫁而柏氏子夭女誓不再字入密室自縊奉詔旌表

高氏喬廷瑞妻年二十四夫卒哀慟欲絕令匠人大斲棺匣槓鎖鑰悉以昇姑曰發喪忽避中恐不及檢點也姑信之至

夕竟自縊

附縣下同

穆氏袁汝器妻汝器卒無子矢志守節翁潛受郝某鳴氏覺自縊縣令申請旌獎

賈氏賈脩邦妻聞流寇破城攜幼女投井死同時郭增妻高氏自經死歲貢郝孔照妻陳氏登城倒墜死

劉氏樊節妻被賊掠守義不屈罵賊死

高烈女父汝賢女年未笄被賊執置馬上女跳躍晉罵墜地
數四賊怒斫死

許氏任自立妻崇禎五年流賊破城氏正色罵賊墜城死子
起家妻趙氏亦不屈死當道表曰一門雙烈

石樓下同

李氏張法聖妻年十八而嫗守節二十餘年會關逆變投井
死

梁氏諸生阮福妻年二十福亡繼以殉當事題旌

永甯下同

白氏安勳妻嘉靖辛丑北寇之亂夫婦匿土穴寇攻急令夫
逸去罵賊不屈身被十餘創死

李氏牛宗近妻遇亂夫婦俱被賊執氏以身蔽夫曰甯殺我
母殺夫並遇害

吳氏侯景儒妻賊至走避山洞烽四起知不免乃棄兒投水

賊急挽之繫馬上氏刺面怒罵遂被害

李氏典膳張環妻馮氏張蘭妻俱孀居守志烏賊被殺又喬甫妻郭氏亦以不屈死

張氏諸生車煜妻年十九夫亡無出夜自縊奏產

鄭氏副使胡汝輔妾幼貞靜言笑不苟汝輔遘疾氏頓天所代疾革先自盡有司表其門

蘇氏副使喬應光妻喬氏諸生車同執妻隆慶元年城陷俱赴井死都御史楊並請旌表

董氏百州巡檢劉祐妻前任印人秩荷同子治起文省會適州陷氏與女挽髮環抱投井死治婦爲幼子所牽遂被掠祐聞變起歸莫得家人所在會治婦乘門逃回語其狀始總井出之母女抱如故當事義之爲治敏給驛歸葬

石州之變殺戮殊慘自縊

按井者屬守井坎所在皆滿晉同知李春芳爲收男女各症
一大家得此者惟蘇喬數人其湮沒不傳者不知凡幾茲得
之任邱節婦
傳附志之

王氏崔某妻州民王惟春女也夫弟某乘間犯之氏不從自
縊巡按爲立碑表其烈

某氏崔有福妻甲申之變爲賊將田虎所執大罵不屈與子
同時見殺

賀烈女年十七辛丑之變從父避賊山谷被獲強行不從賊
支解之

溫烈女年十六寇至與母俱被掠女仆地不起罵不絕口賊
斷其頭以去事聞與賀並詔旌

劉氏諸生李坤妻適坤半年坤死遂自縊

甯解下同

杜氏高聰妻正德間回賊標掠被執義不受辱遂遇害

楊氏王楨妻有孝行逆閹亂舉家被害賊掠氏扶馬上投地
者再賊怒斷其左足罵益厲身罹七刃而死

以上汾州府

劉氏邢清妻清病疴氏來歸異居侍疾未及成禮疾亟呼氏
訣問以所志泣應曰脫不幸願從地下比卒遂縊而死宏治

中旌表

鳳臺下同

梁氏范蒲妻適蒲甫而月蒲暴卒氏年十八誓以死殉母屬
姑與同寢氏伺姑晨起自縊嘉靖中旌

宋氏季孟冬妻歸孟冬期年而媼母受富室厚聘迎歸促改
適氏恚不從母讓之擲以釜氏還以白翁更衣閤戶引刃斷
頸尸立不偃遠近聞而悲之隆慶初旌

韓氏焦廷器妻年十七于歸甫三日夫暴亡氏裹葬畢旋自
縊死

郎氏諸生侯乘酌妻乘酌卒痛絕復甦勺水不入口三日死
之奉詔旌表

焦氏舉人張韓妻韓卒矢殉弗令人知也蓋棺畢入室櫛沐
雉經死

魏氏輔國中尉朱充無妻中尉卒晝夜號哭死

李氏劉鳴鸞妻崇禎間流寇掠大陽氏攜二女長成憲西妻
次曰饒妻一侍婢倉皇出走道遇池水謂二女曰我等女流
將焉適不如入此全身遂同二女侍婢投池死

韓氏李尙隆妻隆死未葬遽遭流賊之變民人逃匿山谷氏
獨潛壁中守樞賊入室樞焚氏死壁內

田氏關天蔭妻早孀借妾楊氏撫週歲孤入庠遭寇亂並遇

告

段烈女父如錦年十四崇禎五年流寇至被執女奪賊佩刀自刎死

邵氏邢光裕妻光裕戍邊死氏典衣歸其骸骨殯畢卽撻柩

前二女從死有司奏請旌表

高平下同

張氏牛學禮妻學禮疾篤以百金付張曰爲爾後日計氏姑置之及疾不起投繯柩前事聞旌表

王氏張珽妻幼失怙恃育於嫂年十六歸珽珽亦少孤依舅氏居氏婉婉順從門內雍肅越十年珽遭疾篤慮婦少無依氏泣曰君脫不諱我豈獨生耶及珽卒敏訖亦投繯死

李貞女幼受尙洗聘未娶洗往演無歸志女誓不改適尋以禮歸尙氏事始篤孝洗竟客死典衣飾託所親昇骸骨歸爲同棺之穴而厝焉苦守凡六十餘年卒嘉靖中縣令傅思明

表其行立祠祀之

王氏原湖妻湖家貧爲傭一日外出氏守二歲兒獨居賊乘隙犯之以刃脇不從縛其手足緣地旋轉罵不絕遂遇害賊亦旋獲知縣李立碑道旁表之

陽城下同

王氏李天育妻義民王海女也夫病革誓以身殉比卒淚盡繼以血水漿不入口敏畢踊拜舅姑娣姒取服飾分贈之旋縊柩旁家人覺而救之稍甦曰我亡人也拚一死耳奚救焉防稍疎仍縊首死年二十四萬歷中旌

崔氏史鐵妻夫婦孤寒傭工度日夫亡詣墓側自縊

王氏燕國治妻年十六而寡子方彌月茹藥撫之及二十年流賊突至被執大罵不屈賊怒殺之

馬氏廩生李際時妻夫婦攜二女避賊至沁濱與夫相失賊

至逼之同二女投河死

畢氏王增保妻被賊執欲污之刃加於頸終不從賊恚剗其腹罵不絕口而死

李氏王桂妻縣民養賢女爲賊得牽至上佛寨前呼曰與我若干金當釋此婦無應者賊遂強迫之力拒不從被殺賊退視其尸血染地作白色

李氏諸生馬一乘妻爲賊獲不厭鞭之乃投廁中復爲他賊獲計不能脫縶之曰體污矣須浣河中賊尾其後乘間入井賊恨甚下石而死

李氏銀工孔某妻也爲賊獲強挽上馬渡河罵不絕口至中流奮身投淵死

劉氏粟某妻家故窶有女年十四美而飽賊至懼污令女先

投井身從之俱死

李氏燕國閭妻爲賊獲奮罵不輟立斃刃下剖腹析骸最爲慘酷知縣李扁旌之

延氏孝子李博妻賊至博守父柩不去延聞變先自縊死學使袁扁旌之

李氏石廷章妻廷章亡李年十九無子夫弟諸生含章子作鼎生甫齠月抱爲嗣鞠育成立及賊至李被執不從割舌而死含章妻盧氏挺身救護斷指遇害人稱雙烈

張氏楊棟妻棟卒氏年十九子垂芳未晬奉孀姑李氏溫清備禮者三十年值寇亂婦姑同日雉經死人兩義之

白氏畢白鶴之母也適畢方入門夫以祖軍情勾當起解懼而自縊白卽與同縊二柩並列人共哀之

王烈女諸生如秋女年及笄與嫂某氏私約曰賊來安往有死耳比賊至家人競走二人闔戶同雉經

段氏王學孟妻事姑孝嘗以舌舐姑瘡流賊驟至姑病臥與

兒媳牛氏侍姑不舍罵賊被害

陵川下同

武烈女繼姑父母早亡依兄簡議贅里人張旺爲婿未婚會簡有五臺役以旺代旺病沒役所同行函骨歸繼姑哭之慟叔母李曰何慟爲徐再擇良匹繼姑云婦人守一安得此語是夕投繯死正統間旌表

郎烈女娥兒議配侯存兒待年其家事姑孝鄰惡少乘翁姑偶出遂逼娥兒娥力拒得脫憤極投繯死惡少旋論如法萬曆中旌

賈氏季子質妻事姑盡婦道正德初流寇犯端氏居人逃避

子實偶外出氏負姑涉沁水匿南山巖穴間賊至大索被執
首者見其豔欲犯之大罵不從賊怒刺以刃棄尸市上已而
甦顧其姑不知所在見賊復罵不絕口賊投大石碎其首見
者無不哀悼

必水
下同

劉氏李沾妻沾卒自縊家人救甦時方娠姑以存後爲勸及
生三日天遂不食死時年二十餘事聞旌表

劉氏郭志妻志溺水死氏求尸不得朝夕不食比得尸棺斂
畢遂自縊

李氏劉時勳妻陽城李榮先女也幼字時勳後時勳父沒家
索然榮先陰悔氏甫十歲知之卽誓死嚙臂投崖賴草藉得
不死及笄歸時勳未幾時勳病卒氏自縊以殉

崔氏李鴻桂妻鴻桂沒斂畢卽自縊死時年二十

陳氏王赴瀛妻夫故氏年十九卽日自縊崇禎二年旌

李氏趙完璧妻遭賊懼辱自縊夫前

王氏吉尙本妻尙本死晝夜號泣七日不食死

李氏郝時雍妻時雍客死聞訃卽自縊題旌

李氏徐承祖妻承祖沒氏年未二十號泣不食三晝夜投繯以殉

常氏諸生霍欽與妻遇寇驅脅誓拒不辱投井死

霍氏王壯祚妻寇至逼凌抱子投河死督學張扁旌之

張氏席崇儉妻夫病侍湯藥浹旬不寐及卒自縊死獲旌

張氏貢生李日芳妻性端嚴事姑孝崇禎六年八月流寇陷

城氏攜幼子姚隨衆避難賊焚樓衆啟門爭出氏跪祝曰李

氏止一子賴天庇佑不罹寇慘妾死何憾託子所親自墜樓

死

尙氏諸生衛思洛妻城陷思洛遇害氏與兒婦李氏挈子女
投火死

陳氏諸生李佩妻乙亥之變被賊脅不從借幼子文龍俱遇
害

馬氏張道濊妻于歸時道濊已抱病越數月而沒氏誓以身
殉悲憤而卒年十六給諫楊時化稱曰貞孝女爲文表墓

衛氏張效濂妻流寇至效濂被害氏墜城死

常烈女常治弟女王嘉允之亂逃避山谷賊逼誓不受辱自
縊死學使張扁旌之

以上洋州府

張氏大同後衛諸葛仁妻適仁四年仁沒氏矢殉不食數日
死時年二十五仁家三世孀居建有世節堂

大同下同

朱成鋼妻劉氏成鋼毆殺宗人繫獄論死詔自盡氏先期詣禁所與夫訣曰早晚旨將下妾此後不復來視君也歸卽自縊二日成鋼方死撫按成勒石表其墓

焦氏陳維垣妻維垣與錢氏私圖逐氏而娶錢氏性賢淑不如忌處之蔑如顧不與夫昵將寂居以終老維垣狂暴卒不釋竟縊其頸而死死之日猶執爨供姑鄉黨聞之咸頌其賢而泣下學使表其墓

劉氏陝西都司朱定妻夫亡矢守有隣郡愷族謀娶之遣媒道意且曰適我子之功名可得也氏聞怒叱曰賊將陷我於不義何以國家名器上負君恩下慙名教言之甯不汗顏聲色胥厲媒惶恐不敢復語守節數十年台闕破太原賊勢孔亟謂其子曰我年已七十死固晚矣又奚忍見此亂離卽絕

粒七日而死

方氏監生王璿繼妻少寡無出庶子甫四歲撫如已生闖寇陷城氏哭拜璿柩前引刀自刎死

武氏何大本妻忠愍公子婦也闖賊陷城大本遇害氏聞擗子婦甯氏同投繯死

張氏潞城安簡王侍婢也識文字王薨誓從死妃與諸姬慰諭之張曰妾雖婢事王有年甯忍王死而獨生乎自經於闕郡人感高其義歲時祭之

孫氏馬雲昇妻雲昇就試不售忿而自經孫痛悼不欲生絕粒旬日死

松仁下同

楊氏諸生在祐妻祐與人戲悞被傷死遺一子在抱楊理於有司得直遂沐浴更衣七日不食死

朱氏王爾揚妻性端嚴明大義色養姑嫜無間尤好施濟六親有恃賴之崇禎間以孝賢旌闔閭變繼死中堂

賀氏張天敘妻有女年十五寇至母子胥被掠賀慮見辱潛

取刀與女自殺寇相視錯愕

山陰下同

郭氏王謨妻嘉靖間寇至郭與村婦俱走匿南山寇大索執之郭厲聲曰吾良家子豈爲異類所辱耶乃舉袂墮而投崖而死

郭氏千戶陳上策妻婉順有婦德上策客死陽和計羅絕粒三日旣斂繼棺側巡按湯奏旌

邊氏總兵宋偉妻閩賊入城偉遇害據其室氏不屈厲聲大罵賊炮烙之兩乳焦爛罵猶不已賊稱烈而止子佳蔭妻朱氏亦被執給賊得脫自縊死

楊烈女州民楊儒女也年十四鬪寇陷城隨母匿木塔複板

內賊索得之掠其母去女不從自塔墜地死

慶州

支氏監生劉調元妻崇禎七年城陷懼辱墜井死

靈碑以上大同府

王氏舍人歐英妻年十九英亡欲自殺以殉家人守之不得

一日給以洗沐遺守者去遂閉戶自縊都御史李敏爲之請

旌

右王下同

王氏尉章妻章耕於田爲部人所掠氏年十八母令改適拒
之一日母來見氏爲鄰媪辨米斥之曰汝不吾從今日苦乃
爾氏不答遂投井死

張氏趙針妻年十七針死哭之慟給家人曰治棺宜寬吾將
盡納夫之遺物也越日乃自縊家人哀其節因同柩殯焉御

史旌之

柴氏馬承學妻承學被溺死氏痛不欲生卽自縊

原氏崔守仁妻守仁經商卒於旅邸計問氏投繯死

金氏高氏副使廷魁二妾也遼陽城陷從廷魁投井死婢僕

同死者六人

李氏王幹妻正統間幹從征陣亡信至氏哀痛欲絕設靈几

祭奠訖出白金百兩託幼女於從子某遂自經聞者莫不嗟

悼詔旌之

朔州下同

師氏郝讓妻年二十讓卒無子晝夜悲號誓營殯殮畢遂

自縊

徐氏王國臣妻國臣業攻金虧折官銀賠補不給氏脫簪珥

以償國臣愧恨飲毒死氏亦自縊奏聞旌表

倪氏盧天保妻年少有姿夫耕田往值焉道爲惡少楊一山

所迫氏以死拒既歸訴其事欲自盡姑以幼子在抱慰勉氏意不少回卒雉經死一山旋卽伏辜知州翁應祥爲之傳

楊氏指揮使范安妾宣德中安戰沒氏自殺以殉詔褒其烈

左雲

下同

蔡氏劉璽妻璽卒七日不食求速死不得乃縊於堂

宋氏張大倉妻夫患瘡貧甚氏備針指醫藥二年無倦容夫沒縊於室獲旌

黃氏何志高妻志高卒自縊以殉詔旌之

郭氏樊端妻端沒自縊巡按李旌其門

邱氏指揮王輝武妻輝武故誓以死殉母多方慰諭卒不能奪尋自縊

仇氏諸生李紹忠妻婉婉有婦德家素貧竭力事翁姑紹忠

卒絕粒三日自經柩側

平魯下同

溫氏高通妻少寡子女胥幼依兄嫂居令他適氏涕泣明志兄嫂終迫之氏撫子女與訣遂投纆死子女亦同時自經叔

溫廷訟之官論兄嫂如法旌其節

以上朔平府

劉氏甯武總兵周遇吉妻俠烈有丈夫氣逆圍破太原趨甯武周守禦力窮戰死氏部分男女僕從持弓矢列陣廳前積薪屋後燕待之賊入應弦斃者纍纍矢盡闔門投烈燄死前王氏庠生任桐妾桐故氏請於桐妻郝氏曰家貧無養守節不能改適不可吾兩人不若殉夫地下相持大恸同縊棺側郝繩斷墜地復蘇王卽殞命時年二十九歲偏附上甯武府宋氏王敏妻年二十四流賊之變與諸婦藏於室賊破門入盡驅之行氏獨匿房投纆死遼州下同

李氏尙義妻年二十被賊執奮罵不屈投井死

鄭氏韓經妻年三十聞寇警匿鄰婦白氏室中賊索少艾白氏告其處挽之不出遂見殺

張氏孫資妻賊至不屈偕二女胥遇害侯倫妻常氏年二十五藥奉妻張氏年十七楊縉妻郝氏年二十七胥以不屈死吳氏諸生郝奇士妾有女雙孩年十四寇警氏恐被賊污追之縉視其既死亦卽投縉自盡

郝氏諸生秦之奇妻寇變舉家匿高樓俄而寇至圍兩日不下賊積薪將縱火氏挈子答語夫曰事危矣君兄弟五人止此一子速負之踰垣下天不絕秦祀難可脫也之奇詰氏所之曰必不辱君投烈燄而死

巨氏王雍俊妻夙嫺婦道鄉里稱賢寇入城氏挈子避難賊

迫氏曰我良家子不忍落賊人手遂棄子自縊

王氏諸生劉啟先妾聞賊陷城抱二歲女投井死啟先嫡女適孫敬承歸情母家庶母死亦卽從之

李烈女字孟春李維長女正德六年賊迫白度不免迎謂賊曰姑少俟容易扃以從登樓久不下賊趨視已縊於戶後賊噴其給已揮刀斫尸而去時年十七

原烈女名芙蓉父宗淮女年十八流寇之變與祖原賁同被掠女曰釋我祖卽汝從賊爲釋之女睥睨祖遠拂然改容罵罵求死遂遇害

張烈女名玉蘭張俊次女年十八偕羣婦避亂養濟院賊至大索擇美艷者十餘人以行玉蘭亦在選驅之獨不從賊怒殺之

曹烈女小輒兒曹錦長女也年十九被掠母愛憐之令且無死輒兒曰我家傳清白兒列衣冠今從賊偷生後將安往不如死遂被害

王烈女生員家俊女城陷母拊其背曰賊勢已迫兒無辱身女聞命遂引簪自刺觸柱死

弓烈女貢生發第長女年十六聞賊至投火死詔並旌

王氏諸生李好樂妻好樂十四游庠十七而天氏矢死哀號不輟聲葬畢自縊於室

榆社下同

連氏諸生李舒翰妻年二十二而寡晝夜哭泣勺水不入口旬日而殞

楊氏張子慶妻歸慶一年而慶卒氏年二十擗踊號泣三日夫既斂縊於柩側

程氏廩生李雲龍妻年二十三遭雲龍喪慟絕復甦雲龍甫
蓋棺雉經以殉

楊烈女保姐楊相女嘉靖甲辰山賊楊邠嘯聚肆掠聞女美
舉火劫之女時年十五義不受辱卽投烈燄自焚死邑令馮
立碑墓所表之

楊烈女小字墨女父傳芳甲辰之變女與母登閣避之賊縱
火於下女泣謂母曰人生孰無死辱身不可爲遂從投火及
墮地距火數步賊欲挽之女急匍匐入時年十有四當事勸
碑以紀其烈

岳烈女父進德女年十九美姿容崇禎壬申避寇出走行至
河突與賊遇女大罵不屈賊怒割舌剖腹最爲慘毒維時鄰
婦楊桂妻廁其旁股慄不能正視

裴烈女父爾榮女年十七寇至迫之俱去女策馬疾馳躍高

崖而墜裂尸數段死

以上遼州

李氏諸生溫縉儔妻夫病禱天願代及卒遂自縊奏聞旌表

沁州下同

吳氏張光斗妻崇禎間流賊起被執不屈扶馬上輒墜賊怒亂刀斫死

史氏吳明道妻爲流賊所獲賊衆噉飲脅之坐令行酒氏涕泣不顧乘間出投廁賊挽起爲滿滌更易衣頃復投之賊怒擊以瓦石死

張氏諸生劉薦妻被寇掠縛馬上求死不得行四十里許賊汲水飲馬氏奮躍索盡斷趨赴井死

陶氏駢應春妻應春方汲井上賊驟至被殺氏聞難奔赴抱

尸痛哭先投女于井從而墜之

任氏諸生王崇化妻年二十二而寡無子誓從死囑家事於

人次日遂自縊

沁源下同

郭氏廩生陰根陽妻年二十七夫亡矢死不二逾十二年翁
亡姑壘族叔強令改適氏舉刀自刎死

杜氏襄垣人寓居墨鏡之新村爲村民王氏婦家貧成饑有
里豪悅其色欲以非禮犯氏嚴肅自持瘳不可近豪乃賄其
姑以勢迫之至日見笞撻杖痕遍體畧無二志後豪肆強暴
氏疾走投崖死後人名其崖曰清風崖邑進士李輔爲立傳

武鄉
下同

趙氏張拱辰妻年十九夫亡哭盡哀是晚沐浴更衣潛自縊
當道給銀治斂仍賜旌獎

郭氏趙登高妻登高父慶早卒母王氏以節著氏歸登高不數年而孀守志養姑里閭稱孝姑病預爲治棺衾每事爲二及姑沒含斂訖囑人曰姑死我事畢是夜縊於姑柩側萬歷十八年奉詔旌表

李氏諸生韓家奇妻流賊之變家奇被殺其母子弟姪咸遭屠磔悅氏色不卽加刃氏怒罵抱嬰兒投崖死

劉氏舉人史光顯妻寇亂舉家匿窖中氏偶出執爨賊猝至被執氏給曰樓有金帛可取也賊信之令氏前行甫登樓卽圖戶從樓窗下墮齏粉而死

馮烈女父九金襄垣人寄居攀龍鎮初字里民胡棟其父因棟貧議改字富室劉九齡女曰貧富易操何顏人世遂登樓自縊

董烈女父國章女笄未字流賊亂被獲女投糞廁賊斃其色
曳出之女大罵被殺

李烈女父克甯僑居攀龍鎮已字而未嫁流賊攻寨急將陷
揚言曰多與婦女卽解圍去女聞恐受辱從高墜崖筋骨寸
裂而死

以上
松州

王氏縣尹李春妾性淑順寡言笑春感疾晝夜扶持不解
衣者數月春疾革泣曰主君娶妾爲無後也奈何竟以無後
終耶妾負主君請從死遂縊於他室州守往弔其門曰千年
綱常此人振之矣

平定
下同

王氏中尙義妻尙義疾篤先自縊頃之尙義亦亡

析氏黃鑑妻嘉靖辛丑北部入境氏潛匿山谷中被執不屈
剖腹視胎以去其同宗有嬪於荆者有通名張氏子者俱義

不受辱同時遇害人稱靳氏三烈

仇氏鄰還初妻夫卒誓不獨生投繯以殉

尙氏奈芳妻避寇於王德寨寇攻寨急氏曰賊欲得我也我死賊則解矣姑曰爾死我何用生爲抱子俱投崖死

某氏王仁妻爲闖卒所掠逼之氏掣刀刺賊死隨自刎

側魚某氏嫁石某爲繼妻撫前二子如己出後被賊掠氏佯爲順從給賊釋二子遽投崖死

高氏侍郎喬毅妾燕人本名家女事毅惟謹毅疾稽顙額天願以身代疾革毅謂高曰吾殆不起汝年少無子奈何高泣曰公脫不諱妾當從公地下耳毅卒哀毀殊甚引繩欲自縊爲家人所制不得乃取生平服飾投諸火以示勿用從毅子鳳扶柩抵家得聞縊死柩旁有司止其狀奉詔旌表李東陽

爲之傳

樂平下同

宛平劉氏儀真許氏胥尙書喬宇妾也初宇遊劇疾幾殆劉許約俱殉私啟生平服飾盡散諸婦以示必死既而宇疾瘳後十年宇卒時劉年二十六慟曰妾今從公於地下矣是夜遂經死許年二十四亦死之里人以雙節稱

王氏諸生申尙義妾夫病誓從死病危潛入他室先自縊有司以聞旌表

李氏閩洪範妻嘉靖間北部入境被掠氏肆罵不辱死之巡按李旌其門洪範感其義不復再娶

陽

任氏郝猷妻候氏郝麟妻嘉靖間胥被兵掠任至龍池投淵死候至河村先擲幼兒崖下躍身從之人稱郝門雙烈

李氏楊明妻隣人李奎春窺其色挑之氏怒罵不從自縊以

見志

孟縣下同

劉氏諸生張其紀妻其紀父環早卒母任氏以節聞氏及笄適其紀其紀亡氏從死巡按奏請旌表

石氏上社村人十餘歲母構訟至郡鬻於世宦潘雲翼家性敏慧侍潘側見讀書喜形於色潘因導以學遂通書史後納爲妾閩陷太原雲翼被拘備極拷掠家人皆逃避氏垢面服男子服乞食奉潘潘死氏仰天哀慟投井死

以上平定州

李氏仕繼增妻時有邊警懼辱投井其女大兒守哭累日亦

投井死之並蒙旌表

忻州下同

趙氏張梧妻因探夫姊行經山溝張玉寶欲污之氏力拒破寶頰會村民張虎至寶逸去氏含恨不釋次日黎明徑至寶所投崖死之有司旌其閭

趙氏定遠將軍張宏妻甲申闔陷太原定遠死難氏驅女孫侍婢八人投井并塞不能容尋投縊死

馮烈女小錢兒馮世禮女族鄰汝楠窺其獨居乘機欲污之錢兒怒叫不從繼母趙歸汝楠逸世禮受賄秘其事錢兒忿恨飲毒死

烈女許東子父文諒村居鄰有張萬錢者時往來其家一日東子母出萬錢至因迫東子東子叫號萬錢遁東子忿悲痛哭搥胸數日而死

楊氏李義妻婚數月義病卒氏痛夫無嗣取義積髮結佩於首號哭三日縊死棺前

定襄下同

夏氏諸生石鐸妻鐸亡哀痛成疾姑樊氏爲之撫孤氏泣曰因疾棄孤因孤累姑生何益焉遂自縊

楊氏任堯弼妻堯弼死非命氏年二十一痛號自鳩死獲旌
張氏諸生樊邦教妻年十六而寡無子誓不再醮富民趙加
賢賄姑逼嫁設之官廷獄曰拔簪刺頸血流被體歸卽日縊
加賢得罪萬厯八年奏開旌表

張氏趙延祚妻延祚卒無子遺二女氏哀痛自縊救免卒不
食死萬厯間旌

盛氏順天宛平人年十五安平知縣喬鍾秀納爲妾沈嘿孝
敬聰慧知書鍾秀遭疾晨夕籲天願代躬治藥餌衣不解帶
者三閱月鍾秀卒誓死臥簣不起主母憐之以片梨納口卽
唾出或有勸者氏曰少婦守節恐招物議越十九日氣絕
姚烈女玉果玉香武城主簿姚廷玉二女也並美姿容隨父
之任所正德六年夏流寇破城二女被獲渡河俱投水玉果

溺死玉香流數里得援御史張璿題旌

潘烈女小四兒父廷福女年十七字而未嫁惡少李實乘隙犯之不從泣訴於母竟自縊實實法女詔旌

曹烈女小春曹廷輔女十七未嫁鄰人張汝孝伺其獨居令妻盧氏紿至室逼污之不從遂遇害汝孝抵死女獲旌並萬歷間事也

遂氏張伯奇妻夫病傾醫治及病篤語以更適氏垂淚不言是夕先自縊伯奇一見痛絕靜樂下同

李烈女父發女幼淑慎不苟言笑崇禎五年爲賊所執義不受辱投百尺石崖死賊衆相視愕然以上忻州

任氏諸生李棟妻年二十棟死氏不堪哭越三月遺腹生子氏泣口往夫死宜卽死少隱忍者恐傷遺腹耳今幸舉子爲

夫後吾願畢矣獨孤於舅絕食死

代州下同

王氏冀廷成妻居雁門都堡有姿容性激烈北部破堡氏被執大罵曰我良家子豈爲汝辱耶賊怒攢殺之裂其尸

張氏督師孫傳廷妻傳廷兵敗自刎時張駐西安任所聞訃託幼子於老僕率三妾二女得赴井死

康氏諸生徐光明妻娶甫三月光明卒父母令改適氏曰夫肉未寒何忍議此且腹有遺娠得男可繼夫嗣生子不育氏遂縊事聞旌表

五臺下同

田氏陳福朝妻年十九夫亡誓與俱死竟自縊

楊氏諸生曲致化妻致化以秋闈被放抑鬱死氏痛哭矢殉縊柩側事聞建坊以表

王氏諸生孫嗣芳妻別駕茂才女嗣芳以試卒於省氏聞痛

絕柩歸綫以殉事聞旌表

李氏貢生王玉業妻玉業任葉縣丞卒於官訃至矢殉諸姑慰曰若夫無子若爲夫服服闋死未晚氏素善屬文尤工詩從茲不操筆惟讀列女傳女訓書諸編形毀骨立三年服除夫殯畢投繯寢次

劉烈女名玉許聘啣士人子張某爲妻未婚張亡訃至女欲臨其喪父母不許女誓死父母不得已偕往弔女私藏匕首以去旣至拜舅姑畢撫棺三帊自刎柩前有司上其事詔旌曲烈女名秋葉大同靈邱人歲祿父大保挈家就食五台僑居林泉村諸生安崇德家安欲私之女峻拒不從哭訴於父母父母去不決女憤自縊死時年十有七歲事聞詔旌寘安於法萬曆三十五年巡按康爲買地改葬刻石於墓上五臺下月

劉貞女壽貞劉復初女幼聰慧嘗讀古今列女傳籍諸書許字盧春未婚春役於京卒壽貞年十八泣曰禮烈女不事二夫妾雖未及舉衆卽其妻也變服披髮臨弔旣葬遂事舅姑終身盡孝有司聞其事詔旌僉事章懋爲之傳梓感其節亦不適人壽貞死削髮爲尼

陳貞女淑英許字劉氏子劉早卒女誓曰婦人從一而終親以名許妾以心從雖未婚勿可二也易服奔喪事舅姑克盡孝道年六十餘奉詔旌表

李氏武本妻本亡誓以身殉有司表其門

呼縣下同

皇甫氏蘇奈妻奈卒營斂具氏謂匠曰斵棺令可容二人潛自縊

陳光先妻張氏年二十一光先忽棄家從黃冠遊臨別囑氏

嫁氏泣誓曰妾不能侍君巾櫛終身命也豈更辱身為君羞
光先去數載無歸志氏絕食死事聞旌表邑令陸壽先有傳
賀氏張計妾年十八適計生女甫晬夫病篤訣曰君死妾必
不生少嫻無倚恣家人之撓我志也夫卒隨自縊

王氏諸生李昌時妻昌時卒絕食死

張氏諸生寇良政妻崇禎七年流寇肆掠氏抱幼子投井死
嬰二烈女要聚剛女正統間北部入寇二女被執犯之不從
相繼投崖死因名烈女崖都御史李楠頌以詩邑令陸壽先
爲之傳

楊三烈女楊茂女也長曰小許兒次曰小舍兒次曰小乞兒
生而淑婉不類貧家女富民呂廷要聞其美聘長女爲妾女
恥之縊而死次與季痛姊且恐讓及已也亦相繼縊死巡院

旌獎立祠邑令劉壽先撰三烈女傳

以上代州

張氏劉希明妻希明被寇殺哀痛不食死御史宋鍾旌曰貞

烈月給衣糧於其二子

保德下同

崔氏嚴機妻生子甫週機死視斂畢夜繼棺側知州楊從書親弔其門

經畧陳奇瑜多姬侍會闖變遷大族實咸陽奇瑜家當選賊將郝安才與奇瑜僕謀誘致止之姬張氏名耐者州民一考女見奇瑜不反懼辱身飲毒死後奇瑜賅唐通殺安才取僕首以祭姬塑像陳烈女祠中奇瑜死又有郭氏名宗正王氏名綴者亦死焉先是宗正父欲嫁之宗正讓父曰我甯死不冉事人遂與王氏謀自溲盛飾紉衣飲毒覆衾以斃其守志者有楊氏東氏後十八年卒程氏秦氏兩人相倚足不窺戶

又後十五年程先卒秦最後死蓋皆有烈女之風焉白琳合傳之

楊氏貢生馬上行妻康氏生員楊璋妻並早孀誓不獨生自縊以殉

陳烈女小字敬經歷嘉蓋女經略奇瑜姊也生而婉婉聰慧幼字郭氏子貧且無行奇瑜恥之將解盟女知謂母曰噫馬鞍矣母不省旣而曰兒垢甚將澡母信之乃扃戶自縊事聞建坊立祠巡按劉四端撰碑記

張烈女小字拱娃時稱愛姑張所學女也年十五未適人甲申被擄罵賊死

劉氏諸生王嘉會妻套部入犯氏被掠將挾上馬蹣跚地號哭罵曰吾名家女豈從汝耶遂遇害

河曲下同

苗氏何九畏妻年十五歸九畏家貧甚糠糶相得越四年九畏病篤泣與氏訣氏曰必不忍君獨處泉臺也泊卒氏哭盡哀檢夫遺髮衣服及已女紅之類盡納入枕火之繼死尸側京兆苗朝陽爲之傳

喬氏王成科妻年十九弟成舉妻何氏年十七流賊王家九之亂相戒勿辱身同時自縊

王氏丁紹讓妻孀居守志聞賊變墮城死

孫氏賈生王敏行妻城陷二千率衣泣氏曰少緩吾不得死矣遂絕裾投井侍婢玉姐從之不及爲賊所執餌以玩好悉投諸地者以利刃嘗斥之被殺

樊氏王積學妻孀居被逼自刎幾絕

以上保德州

張鉞妻某氏遺其姓成化二十年大饑鉞攜妻渡河就食中

流燭妻曰我死汝從人便勿我念也錢投水妻躍從之俱死

妾邑下同

劉氏諸生王繼仁妻繼仁沒哀慟不食將就寤命役人曰樂無堅爲我待之旬日氏果亡直指尙旌其貞烈

侯氏趙良進妻蚤孤鞠于伯父轉育于所親年十四適良進貧爲人傭越兩月良進病侍疾甚謹及良進死母心憐之氏語母口止用一陌黃錢耳母不解而去氏卽自縊巡鹽侍郎史曾移檄巡司發銀建祠都御史曹干牒撰祠記

高氏運司史衙養民妻養民家頗饒旣死張姓者利其資賂媒逼娶高憤自經死

古氏王之傑妻員氏諸生王鼎隆妻相氏王鼎盛妻叛將任國奇兵至三人恐被辱相搗投井死

劉氏貢生楊時和妻閩越陷城抗節不屈罵賊被害

喬氏李貞佐母貞佐知郊縣李自成陷城歸賊被殺母亦死之

柴氏孫禎妻崇禎五年避賊山谷賊搜獲引其手氏曰賊污吾手嚼肉棄之執其脅曰賊污吾臂又嚼肉棄之賊義之釋而去氏罵不絕聲賊返立斃刃下及縣下同

劉氏介星妻寇窺姑病氏守姑不忍去寇至姑驚死氏罵賊被殺

趙烈女小字四女父煥許字李汝未嫁而汝沒四女易服奔喪留養姑婢書不他適歷艱苦無變志隆慶三年奉詔旌表萬厯間巡撫檄修墳墓

費氏諸生杜元昭妻年二十而孀家貧奉姑極孝典衣供甘

旨嘗曰姑年有限衣何足計久蓄從姑志姑沒果自縊

陸平

楊氏諸生任家聲妻母陳以貞節聞氏夙嫻家教于歸後事翁姑甚謹姑病沒夫死于孝舉家悲慟氏略無戚容區區整飾拜辭諸尊人乘間自縊以殉當事題旌邑令妻爲之傳

萬城

同下

趙氏雷煥妻名潤姐煥病足經年侍奉不少懈煥卒氏卽自縊事聞獲旌

趙氏諸生蘭應楨妻應楨以哭母死氏七日不食縊于柩側縣令旌曰烈孝成雙

張氏武生趙之瑜妻之瑜病卒未敏氏亦自經死詔旌之

趙氏諸生石光瑞妻夫病日焚香祝天願代忽無異而復有光朝燦照耀一室異香經時始散光瑞卒氏亦縊戶自經事

聞子旌

李氏諸生趙之璿妻之璿死誓不獨生乘機自盡邑令黃旌其門

高氏王大統妾大統卒自殺以報見任少參傳後序

陳氏董建昌妻夫亡從死時年二十一邑令王旌其門

白烈女名亮兒年及笄家貧獨居強暴欲污之不從閤戶雉經知縣范抵強暴于法表其墓

柳貞女名蘭柳奉春女父母早喪遺一弟一姊俱在襁褓蘭終身不嫁撫弟姊成立年六十一卒當事旌之鄉人稱曰柳

貞節

以上解州

洛川縣君朱氏陳嘉祥妻嘉祥坐人命繫獄自縊氏悲慟亦

投縊死之

絳州下同

張氏樊經妻夫死飲鴆以殉

開州知州王臣直二妻俱姓常氏臣直卒二人雙縊於室一救甦一竟死

常氏李克父妻克父以父累自縊常亦死之

張氏甯景春妻景春沒遺孤光普甫三歲母多方奪其志不從景春既葬後二日密縊中庭

郭氏諸生李尙妻年十七夫亡欲自縊家人防之不果越三日投井死

吉永秦妻王氏妾陳氏崇禎辛未冬流寇掠泉壑永秦奮身格鬪死越明年二月王與陳同日雉經

許氏張平妻平父被賊縛平求代脫父見殺氏亦縊死樓上
王氏諸生趙含貞妻辛未之變登樓自焚死

周氏趙半妻芊爲賊所執氏護之被殺

簡氏薛有梅妻寇變不辱墮崖死一時同死者共三十五人
嚴氏王懋條妻甲申闖遁堡氏墜堡下不死復墜井死

楊氏段世命妻寇亂被執不卹賊烙其體無完膚斷首懸門
而去

陳氏諸生榮從高妻暨子婦簡氏郝氏許氏與其女一門殉
難同赴井死

張某妻許氏賊遁投縊死

王氏許志祖妻闖逆附城氏同諸婦避密室賊窮搜急走廁
中比賊至氏已縊死賊引刀斷頭縊而去

王氏高明妻甲申之變氏及二女投井死又馬應康妻馮氏
子雲鳳妻楊氏王玉振妻朱氏楊餘慶妻朱氏李四妻某氏

馬某妻某氏楊天瑞義女三及一不知姓氏者十有三人荷
赴一井死非為之滿

趙鳴岡妻秦氏光胡女妻范氏蔡邦勝妻趙氏郝邦榮妻楊
氏郝邦益妻張氏郝邦勝妻張氏李汝烟妻陶氏李九烟妻
權氏李汝開妻權氏李吉星妻張氏權永昇妻家氏劉周秦
妻王氏靳保保妻楊氏生員靳光省妻程氏郝官妻光氏張
進川妻薛氏郝潤妻楊氏党元正妻楊氏衛薛山妻孟氏衛
錫珍妻李氏張時辛妻關氏聶元方妻董氏聶天恩妻毛氏
聶邦勝妻孔氏聶光耀妻范氏李良棟妻郝氏王世萬妻家
氏俱於辛未死難

朱炫臺妻李氏郭景德妻朱氏蔡綱妻王氏孫保祿妻郭氏
杜仰泉妻朱氏劉崇民妻楊氏楊玉山妻胡氏趙時恩妻党

翟鳳翥私繼曰貞娥有傳

張氏楊貴川妻爲流寇所掠氏罵不絕聲賊怒釘其手足於板胸刺數槍而死

楊九州妻劉氏九槐妻張氏九序妻宋氏九前妻孫氏寇至妯娌四人同赴一井死

劉起蜀母賈氏妻賈氏暨姊適解傳者遇賊相繼投崖死翟鳳翥有傳

張氏任國祚妻寇迫抱女投崖死

崔氏罵賊投火死呂氏二婦爲賊迫投井死並下丁村人失其夫名又吉氏者楊莊人被執抉目刮面罵聲不絕死

李氏王曰廷妻崇禎癸未降將翻山鶴兵防河南下掠其家見氏有容姿殺其夫執之上馬氏痛哭大罵投地數四兵怒

拔刀砥死年二十有二

薛氏藍田教諭陽家傳妻尉氏知縣一鵬繼母也年二十二而婦守節三十年隨一鵬之任尉氏流賊破城一鵬殉難薛

閉門自焚死

河津下同

程氏諸生陳簡妻年二十而寡守節十餘年流賊入境氏恐辱身投井死

甯氏諸生杜相妻相沒治喪訖晝夜哭泣七日不食卒

李氏李胎子妻年二十五遇亂罵賊被殺

袁氏王謐才妻孟才買於外氏獨居比隣王永吉者乘機犯之氏峻拒不從恥辱名節必欲一死以見志時方有娠嫗黨咸慰勉之越月既娩卒投井死永吉抵法

李氏貢生趙瑛妻暢氏諸生趙埏妻隨翁輝任霸州城破同

日盡節死

崔氏薛嘒妻少寡遺子女各一紡織養孀姑守志不二突聞

有求婚者憤投緘死

稷山下嗣

舉人崔日進妻秦氏夫死水漿不入口旬日死萬曆戊申知縣薛承教申請旌表

甯氏馬從麟妻孀居無子年二十誓不再醮甲申逆闖破城度不免投井死

劉氏諱生諱進德妻進德卒旬日不食死學道吳旌其門

同下

焦氏甘泉知縣郭永固妻夫死難氏亦聞賊殉夫賜祭恤贈

蔭子兆祥爲官生

馬氏張荆璞妻流賊破堡氏墜堡幾斃賊迫之投於池罵不

絕復被刃死子養身以孝行聞

劉氏斬毓奇妻聞寇警攜女投井知縣黃以雙烈請旌並平以詩

譚氏王承蔭妻避亂山中寇至義不辱身攜女暨里人劉永祥妻某氏同墜千尺深崖口完無損人驚異之

王氏李時元妻避亂東山賊迫時元見殺氏號泣厲罵並遇害

裴氏諸生郭東魯妻幼聰慧讀書識大義年二十一而寡哀

慟矢病次日自縊有司奏旌

垣曲下同

張氏劉鎮遠妻舉人鵬翔女歸劉生子贊皇而孀守節字孤甲申之變罵賊死

劉氏張家聲妻年十八夫沒矢殉垢面披髮不離尸側家人

謹守之越日稍懈潛縊柩前

王氏張士采妻年十九歸張夫邁病顛天願代及死卽自縊以殉

楊氏咸甯知縣馬逢造繼妻年二十四逢造卒哀痛欲死所親勸之氏瞑目不言前子跪而泣請氏曰爾父旣死我生何爲七日不食死

劉氏舉人張鵬翔妻年二十三而寡守節四十餘年會闖變陷城投井死子金鑑繼妻文氏年二十七夫死難欲殉不果撫前子貞明出入兵革間卒以節著

楊氏石汝貞妻年二十二而婦織紵爲生撫孤成立聞寇警投繯死

石氏諸生譚汝蘭妻崇禎六年避亂東石家堡堡破被執至

村西強之行氏罵曰賊奴速殺我甯死不踰此也遂引刀自刎後有司勒碑其地表其烈

馬氏趙知二妻同知汝驛次女也年二十二而寡撫姪守志歷五十餘年甲申之變與魯參政妻同時經死

文氏訓導魯崇謙妻賊攻城急氏率妾衛氏女瑞姐側身投井觸石墜軀死

楊氏諸生郭鞏固妻殉難備官自發女城陷誓死其子泣勸不聽偕姪婦適張氏者墜井死

張氏趙應命妻年二十鬪變所居寨破氏與姪女三進將死之賊易其幼誘之曰毋畏汝從我能庇汝氏弗聽攜女疾投千尺崖下尸裂腦破賊驚駭而去

郭氏拔貢張治光妻子進士翰芳妻馬氏女蘭姐賊破葛伯

寨胥投黃河死

張氏楊丕振妻年十八聞城陷墜井死頭面俱裂齒牙盡折
見者尤爲慘傷

劉氏趙臥龍妻譚氏趙年妻甲申之變俱墜堡死同時魯廷
彥妻趙氏張所蘊妻普氏俱自縊死張遠養妻王氏張宏養
妻馬氏車祖商妻鄭氏俱墜樓赴火死又文朝品妻張氏自
刎死楊帝培妻郭氏張理芳妻劉氏魯緝孔妻郭氏文登妾
張氏郭繼章妻高氏劉戴明妻張氏張金錚妻車氏席國彥
妻郭氏車奇際妻張氏俱投井死鄭州知州魯世任妻趙氏
張金鉉妻魯氏文達妻劉氏楊蘊素妻席氏文中第妻王氏
魯太史妻文氏文新命妻馬氏張金鑑妻文氏文作礪妻張
氏張鵬翥妻崔氏王元佐妻車氏崔煥妻王氏張首唱妻文

氏文三錫妻張氏劉鎮華妻文氏張昌明妻劉氏魯聖脈妻

安氏馮卽龍妻文氏俱以罵賊死

以上絳州

宋氏監生王家材妻寇亂匿樓上樓陷股折被賊執揮指刺

賊目賊怒殺之

隰州下同

郭氏馮鍾靈妻文安教諭育才女也賊執不屈裂其尸同時長清令牛友月妻宋氏生員史記妻楊氏牛大吉妻蘇氏城陷度不免胥赴井死

馮氏劉兆麟妻有姿色爲賊所執堅不受辱死之

馮氏貢生李呈蘭妻年十八聞賊至抱幼女投井死

員氏李清秀妻被掠奪身罵賊冒刃而死

馮氏永和人流寓於蒲崇禎癸酉歲大飢人相食夫強其改

節氏乃摘耳環市餅食壽偕子女俱死

蒲縣

賀氏馮登輔妻勳建貞烈坊事蹟不詳

大前下同

王氏諸生安汝光妻汝光死氏不哭人詰之氏曰夫既死不復生奚以哭爲及發喪就葬亦無戚容殯訖竟投繯死有司

奏旌

馬氏諸生張二美妻崇禎己巳被寇韓氏泣罵不從賊縛馬上以行不數武力踞墮高崖賊怒趨崖下碎其尸

李氏舉人張斗星妻壬申流寇陷城氏攜女祿孩同赴井死
題請並旌

劉氏諸生張拱北妻曹氏諸生馬上乘妻並聞警投繯死

馮氏諸生劉鳳翔妻夫亡守節寇至誓不受辱遂遇害又義
官安三益妻張氏罵賊被殺且裂其尸

賀氏貢生張拱辰妻寡居數十年會闖變避亂州城城陷投

并死

許氏諸生賀希顏妻王申之妻爲賊迫投崖折左股伏深窟中凡七晝夜不死賊退村人過崖邊聞呻吟聲縋扶以歸

高氏薛可敦妻崇禎中流寇陷城氏墜城死

永和以上歷州

以

張氏武庫主事成德母霜氏德繼妻成氏德姊也姊年二十餘因家難未嫁崇禎甲申闖賊陷京城德痛哭持雞酒奔奠梓宮奠畢歸家顧姊曰我死汝何依姊請先死德稱善哭視其繼妻霜請繼德痛不及視入別母哭盡哀出而自經母亦

死

霍州下同

郭氏宋毓彝妻流寇至掠氏上馬毓彝怒奮前擊之遂遇害郭氏罵曰速殺我從夫地下斷不從賊也賊並殺之巡撫吳

奏開旌表

師氏喬黃妻正德辛未遇賊變不屈死之

趙城下同

賈氏王大威妻辛未城陷被掠熱之行過母家門紉曰此吾家也入辭老母將承從汝行矣賊縱之遂投井中賊怒下石擊死

史氏賈秉英妻有姿容遇賊不辱抱兒投崖賊怒趨至崖下刀斫死

楊烈女山東金鄉人父表正任趙城訓導女隨任未適人爲賊所擒得聞自縊

張烈女雪梅張汝強女崇禎五年冬爲賊所獲挾之上馬行經大節溝奮投崖下死時年十六

冷泉四烈者張熙妻曹氏尙公信妻段氏張桓妻白氏周瑞麟妻崔氏俱家冷泉鎮正德辛未流寇剽掠四婦相攜避山

峪中途遇賊俱被執同聲誓罵誓不從賊賊怒並殺之又同

時有段氏者亦以不屈投井死事聞並賜坊表

壘石下同

喬氏兵備道宋之偶妻巾中之變之偶罵賊被殺喬氏觸階死其女斂尸畢拔簪刺頸死

馮氏年十八適郭廷相之子甫一歲夫亡氏潛至夫冢縊死樹上

翟氏諸生王新命妻年二十喪夫仰辨死奏聞旌表

李氏張朝明妻朝明被賊執火灸其身氏取衣拂火賊麾去氏奮不顧身直前撲滅賊怒殺之

崔烈女父名拱居冷泉年十五寇亂父母攜避北山洞賊搜

獲不屈投崖死

以上霍州

右明六百七十七人

